

UNIVERSITY OF SARAJEVO  
FACULTY OF SCIENCE

Broj: 01/01-2891/3-2019  
Datum: 19.11.2019. godine

Zmaja od Bosne 33-35  
Sarajevo  
Bosnia and Herzegovina  
Phone ++387 (0)33 723723  
Fax ++387 (0)33 649359

Na osnovu člana 14. stav (4), člana 18. stav (1), člana 25. Zakona o javnim nabavkama („Službeni glasnik BiH“, broj 39/14), a u skladu sa Odlukom Vijeća Fakulteta o izmjeni i dopuni Plana nabavki Prirodno-matematičkog fakulteta Univerziteta u Sarajevu za 2019. godinu, broj: 01/01-2356/2-2019 od 04.10.2019. g. i Odlukom Upravnog odbora Univerziteta u Sarajevu o izmjeni i dopuni Plana javnih nabavki integrisanog Univerziteta u Sarajevu za 2019. godinu u dijelu Prirodno-matematički fakultet, broj: 01/01-2891/1-2019 od 01.11.2019. g., Dekan Fakulteta je donio sljedeću

### ODLUKU

o pokretanju postupka nabavke – roba  
**KOMPJUTERSKA OPREMA**  
za potrebe realizacije finansiranih projekata MONKS za 2019. godinu

#### Član 1.

Odobrava se pokretanje postupka javne nabavke **roba – „KOMPJUTERSKA OPREMA za potrebe realizacije finansiranih projekata MONKS za 2019. godinu“**.

Procijenjena vrijednost javne nabavke (bez PDV-a) iznosi **70.000,00 KM** (slovima: sedamdesethiljada KM).

Za provedbu javne nabavke osigurana su **sredstva: projekti-transferi po javnom pozivu za sufinansiranje programa nauke iz Budžeta Kantona Sarajevo za 2019. godinu**.

Javna nabavka će se provesti putem **otvorenog postupka/E-aukcija**.

Postupak javne nabave provest će se u skladu sa Zakonom o javnim nabavkama, podzakonskim i internim aktima.

Evidencijski broj javne nabavke: stavka 25. Plana nabavke za 2019. godinu (30230000-0, 30213000-5, 30213100-6, 48820000-2, 30121100-4).

Pozicija u finansijskom planu (konto) 821312.

#### Član 2.

Kriterij za dodjelu ugovora je **najniža cijena**.

#### Član 3.

Otvaranje i ocjenu ponuda provest će komisija za javne nabavke, u sastavu od 5 (pet) članova. Sastav i nadležnost rada komisije iz prethodnog stava utvrdit će se posebnom odlukom ili rješenjem.

#### Član 4.

Ova odluka stupa na snagu danom donošenja.

## Obrazloženje

U skladu sa Odlukom Vijeća Fakulteta o izmjeni i dopuni Plana nabavki Prirodno-matematičkog fakulteta Univerziteta u Sarajevu za 2019. godinu, broj: 01/01-2356/2-2019 od 04.10.2019. g i Odlukom o izmjeni i dopuni Plana javnih nabavki integrisanog Univerziteta u Sarajevu za 2019. godinu u dijelu Prirodno-matematički fakultet, broj: 01/01-2891/1-2019 od 01.11.2019. g. u postupku je utvrđeno da je pokretanje nabavke robe iz člana 1. osnovano.

Pri donošenju Odluke, Dekan se posebno rukovodio činjenicom da je predložena nabavka odobrena Odlukom Vijeća Fakulteta o izmjeni i dopuni Plana nabavki Prirodno-matematičkog fakulteta Univerziteta u Sarajevu za 2019. godinu i Odlukom Upravnog odbora Univerziteta u Sarajevu o izmjeni i dopuni Plana javnih nabavki integrisanog Univerziteta u Sarajevu za 2019. godinu u dijelu Prirodno-matematički fakultet realno procijenjena njena vrijednost na tržištu, te da su osigurana sredstva i predložena odgovarajuća vrsta postupka.

Na temelju utvrđenog činjeničnog stanja, odlučeno je kao u članu 1. ove odluke.



**DEKAN FAKULTETA**

Prof. dr Mustafa Memić

Dostaviti:

- Prodekanu za opće poslove i finansije
- Šefu računovodstva
- Dosije nabavki
- a/a